



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA FOJNICA
OPĆINSKI NAČELNIK

Broj: 02- _____/06

Fojnica: 31.03.2006.

PREDMET: INFORMACIJA o nemogućnosti funkcionisanja općinskog organa uprave

Prije desetak dana poslao sam svim nivoima vlasti u Bosni i Hercegovini Informaciju istog naslova, a različitog sadržaja, radilo se o bivšim radnicima Šipad «Fojnice» koji su činom ulaska u prostorije općinskog organa uprave sprječili 30 službenika da vrše svoje službene radnje u okviru svojih ovlasti i time onemogućili građane da ostvaruju svoja Zakonom definisana prava. Ovaj problem ni do danas nije riješen niti se njegovo rješenje uskoro očekuje.

Problem u Bosni i Hercegovini i jeste što niti jedan nivo vlasti u njoj ne funkcioniše valjano, pa onda ni cjelina ne može da se harmonizuje, koordinacija se izbjegava, a kontrola izigrava.

Novi sistem lokalne samouprave nailazi na velike teškoće, nerazumjevanje, a Boga mi i opstrukcije. Više nivoa vlasti dovelo je do ekomske i političke moći u Federaciji i kantonima, pri čemu je općina u značajnijoj mjeri ekonomski razvlašćena, te je zbog toga lokalna samouprava prigušena uslijed nepostojanja materijalnih prepostavki za inicijative i razrješavanje vitalnih potreba građana. Kada se još tome dodaju i klasične opstrukcije samih predstavnika građana koje su ti isti građani birali da ih predstavljaju i zastupaju na lokalnom nivou, nesazivanjem sjednica općinskog vijeća gdje se donose bitne odluke za lokalnu zajednicu i njene građane.

Da bi ugodaj bio potpun sa ovim gore pomenutim, predsjedavajući općinskog vijeća ne saziva sjednice vijeća kako ne bismo mogli rješavati tekuće probleme lokalne zajednice, pokretati inicijative za rješavanje gorućih problema onih koji su nas birali, usvojiti općinski budžet u Zakonom predviđenom roku (31.03.2006.).

Šta u ovom momentu znači neusvajanje općinskog budžeta?

- nema isplate plaća uposlenim u općinskom organu uprave i isplate paušala vijećnicima,
- nema plaćanja PTT, elektro i komunalnih usluga,
- nema mjesecne donacije Zavodu «Drin» i «Bakovići»,
- nema novčane socijalne pomoći koju primaju građani,
- nema sufinansiranja kulturno sportskih udruženja, boračkih organizacija, političkih stranaka, kulturnih manifestacija...,

- nema plaćanja javne rasvjete, popravke lokalnih puteva,
- nema pomoći mjesnim zajednicama...

Može li to jedan čovjek sve zaustaviti provodeći politiku HDZ-a na području općine Fojnica. Ako misle da se na ovaj način dobija povjerenje građana i da će opstrukcijama iznuditi promjenu vlasti, neće im se želja ostvariti. Vlast se osvaja povjerenjem i radom, a ne opstrukcijama i nepovjerenjem prema drugim.

Dostavljeno:

OPĆINSKI NAČELNIK

- Svim korisnicima budžeta
- evidencija
- a/a.

Merdžanić Salkan, dipl.ing.